

四庫全書

集部

欽定四庫全書

御定佩文齋詠物詩選卷四百六十九

魚類 附蝦 海蜃

四言古

比目魚

晉 郭璞

比目之鱗別號王餘雖有二片實則一魚協不能密離  
不為疏

五言古

詠躍魚應詔

梁張率

戢鱗隱繁藻，頌首承渌漪。何用游溟澥，且躍天淵池。

詠石鯨應詔

陳周弘正

石鯨何壯麗，獨在天池陰。騫翬類橫海，半出似浮深。吞航本無日，吐浪亦難尋。聖帝遊靈沼，能懷躍藻心。

賦得蓮下游魚

陳阮卓

春色映澄陂，涵泳且相隨。未上龍門路，聊戲芙蓉池。觸浪蓮香動，乘流葉影披。相忘自有樂，莊惠豈能知。

賦得魚躍水生花

陳張正見

漾色桃花水相望  
濯錦流躍浦疑珠  
出依池似鏡浮凌  
波銜落蕊觸餌避  
沈鈎方遊蓮葉外  
詎入武王舟

詠魚

隋岑德潤

劍影侵波合珠光  
帶水新蓮東自可  
戲安用上龍津

峴潭作

唐孟浩然

石潭傍隈隩沙岸  
曉黃緣試垂竹竿  
釣果得槎頭鰕美  
人騁金錯織手鱠  
紅鮮因謝陸內史  
尊羹何足傳

放魚

唐白居易

曉日提竹籃家童買春蔬青青芹蕨下墨卧雙白魚無  
聲但呀呀以氣相煦濡傾籃瀉地上撥刺長尺餘豈惟  
刀机憂坐見螻螳圖脫泉雖已久得水猶可蘇放之小  
池中且用救乾枯水小池窄狹動尾觸四隅一時幸苟  
活久遠將何如憐其不得所移放於南湖南湖連西江  
好去勿踟躕施恩即望報吾非斯人徒不須泥沙底辛  
苦覓明珠

江南曲

唐  
陸龜蒙

魚戲蓮葉間參差隱葉扇  
鷓鴣鷓鴣窺瀨艷無因見

其二

魚戲蓮葉東初霞射紅尾  
傍臨謝山側恰值清風起

其三

魚戲蓮葉西盤盤舞波急  
潛依曲岸涼正對斜光入

其四

魚戲蓮葉南欹危午煙墨  
光搖越鳥巢影亂吳娃楫

其五

魚戲蓮葉北澄陽  
動微漣回看帝子渚  
稍背鄂君船

種魚

唐皮日休

移土湖岸邊一半和魚子  
池中得春雨點點活如蟻  
一  
月便翠鱗終年必頰尾  
借問兩綬人誰知種魚利

蔡仲謀遺鯽魚十六尾  
余憶在襄城時獲此魚

留以遲歐陽水叔

宋梅堯臣

昔嘗得圓鯽留待故人食  
今君遠贈之故人大河北  
欲

膾無庖人欲寄無鳥翼放之已不活烹煮費薪棘

白小

宋唐庚

二年遵海濱開眼即浩渺謂當飽長鯨餬口但白小百  
尾不盈釜烹煮等芹蓼咀嚼何所得鱗鬣空紛擾向來  
巨魚戲海面橫孤嶠噉喙噴飛沫白雨散晴曉終然不  
省錄從事此微眇短長本相形南北無定表泰山不為  
多毫末夫豈少詞雄兩月讀理足三語妙人生一漚發  
誰作千歲調安能蹲會稽坐待期年釣



走筆謝王去非遣餽江鱗

宋劉宰

環坐正無悰，駢頭得嘉餽。鮮明訝銀尺，廉纖非蠶尾。肩  
聳乍驚雷，腮紅新出水。芼以薑桂椒，未熟香浮鼻。河豚  
愧有毒，江鱸慚寡味。更咨座上客，送歸煩玉指。釘餽雜  
青紅，百巧出刀匕。翩翩鶴來翔，粲粲花呈媚。頗疑壺中  
景，彷彿具盤底。又疑三神山，幻化出人世。更於屬餼餘，  
想像無窮意。知君束裝冗，不敢折簡致。厚賜何可忘，因  
筆聊舉似。

松江舟中

宋 戴復古

夜聽楓橋鐘曉汲松江水客行信匆匆少住亦可喜且  
食鱸魚肥莫問鱸魚美

郊居寓目隨事輒題

元 袁 易

絕江捕寒魚赤鱓巨莫逃鯨鱈翻有神騰出如銀刀

食鱸魚

元 王 惲

鱸魚昔人貴我行次吳江秋風時已過滿意尊鱸香初  
非為口腹物異可闕嘗口哆頰重出鱗纖雪爭光背華

點玳斑或圓或斜方一脊無亂骨食免刺鯁防肉膩勝  
海蘆味佳掩河魴燈前不放箸愈淡味愈長張翰為爾  
逝我今赴官忙出處要義在不須論行藏倚裝足朝睡  
且快所欲償夢驚聽吳歌海日方蒼涼

魚淵

明  
袁凱

幽壑湛虛靜衆條遠來歸游泳方自得沈潛亦其宜既  
無網罟憂荇菜復參差辟彼翔集鳥悠然竟何疑

觀魚

明  
楊基

池陰樹影涼白小紛成隊吹絮圓漚續觸荷清露碎俄  
沈靜却浮忽遇驚還退幸免釣絲憂江鱸且充鱠

樂府雜曲

明僧法杲

纖鯽上芒針小兒爭大叫一餌連六鼇此是任公釣

七言古

附長短句

訓中都小吏携斗酒雙魚于逆旅見贈

唐李白

魯酒琥珀色汶魚紫錦鱗山東豪吏有俊氣手携此物

贈遠人意氣相傾兩相顧斗酒雙魚表情素酒來我飲  
之鱠作別離處雙鯉呀呷鬚鬚張撥刺銀盤欲飛去呼  
兒拂几霜刃揮紅肌花落白雪霏為君下箸一餐罷醉  
著金鞭上馬歸

觀打魚歌

唐  
杜  
甫

綿州江水之東津魴魚發發色勝銀漁人漾舟沈大網  
截江一擁數百鱗衆魚常才盡却棄赤鯉騰出如有神  
潛龍無聲老蛟怒迴風颯颯吹沙塵饗子左右揮霜刀

鱠飛金盤白雪高  
徐州禿尾不足憶  
漢陰槎頭遠遁逃  
魴魚肥美知第一  
既飽歡娛亦蕭瑟  
君不見朝來割素  
鬚尺波濤永相失

閔卿姜七少府設鱠戲贈長歌 杜甫

姜侯設鱠當嚴冬  
昨日今日皆天風  
河凍未漁不易得  
鑿冰恐侵河伯宮  
饗人受魚鮫人手  
洗魚磨刀魚眼紅  
無聲細下飛碎雪  
有骨已剝背春葱  
偏勸腹腴愧年少  
軟炊香飯綠老翁  
落碓何曾白紙濕  
放箸未覺金盤空

新懼便飽姜侯德清觴異味情屢極東歸貪路自覺難  
欲別上馬身無力可憐為人好心事於我見子真顏色  
不恨我衰子貴時悵望且為今相憶

單魚歌

唐  
溫庭筠

朝單單城南暮單單城西兩葉鳴幽幽蓮子相高低持  
單入深水金鱗大如手魚尾迸圓波千珠落湘藕風颺  
颺雨離離菱尖刺鷓鷯飛水連網眼白如影浙瀝蓬聲  
寒點微楚岸有花花蓋屋金塘柳色前谿曲悠溶杳若

去無窮五色澄潭鴨頭綠

愧魚亭

宋 孔武仲

昔聞魚可羨今見魚可愧  
邂逅臨池處瀟灑出塵意  
秋風八月起江湖水染紺  
碧霞綺疏悠然掉尾波間去  
須信吾生不及魚

畫魚歌

宋 蘇軾

天寒水落魚在泥短釣畫水如耕犁  
渚蒲拔折藻行亂此意豈復遺  
鯢鮓偶然信手皆虛擊本不辭勞  
幾萬一



一魚中刃百魚驚蝦蟬奔忙互跳擲漁人養魚如養雞  
插竿貫笠驚鶻鷁豈知白梃鬧如雨攪水覓魚嗟已踈  
西湖秋涸東池魚窘甚因會客呼網師遷之西

池為一笑之樂夜歸被酒不能寐戲作放魚

一首

蘇軾

東池浮萍半黏塊裂碧跳青出魚背西池秋水尚涵空  
舞濶搖深吹荇帶吾僚有意為遷居老守縱饒那忍膾  
縱橫爭看銀刀出滌滸初驚玉花碎但愁數畧損鱗鬣

未信長隄隔濤瀨  
瀾瀾發發須臾間  
圍圍洋洋尋丈外  
安知中無蛟龍種  
尚恐或有風雲會  
明年春水漲西湖  
好去相忘渺淮海

漢陂魚

蘇軾

霜筠細破為雙掩  
中有長魚如卧劍  
紫荇穿腮氣慘悽  
紅鱗照坐光磨閃  
携來雖遠躡尚動  
烹不待熟指先染  
座客相看為解顏  
香粳飽送如填塹  
早歲嘗為荆渚客  
黃魚屢食沙頭店  
濱江易採不復珍  
盈尺輒棄母乃僭

自從西征復何有欲致南烹嗟久欠游鯨瑣細空自腥  
亂骨縱橫動遭砭故人遠餽何以報客俎久空驚忽瞻  
東道母辭信使頻西鄰幸有庖蒸醢

讀神仙傳

宋程俱

鯉魚腹中有隱符白魚腹中有素書鞭靈走石纜一戲  
騎鱗上天亦徒爾誰能解衣涿水中使人呼指赤鯁公

鯁魚

全劉迎

君不見二牢山下獅子峯海波萬里家魚龍金鷄一唱

火輪出曉色下瞰博桑宮  
榭林葉老霜風急雪浪如山  
半空立貝闕軒騰水伯居  
瓊瑰噴薄鮫人泣長鏡白柄  
光芒寒一葦去橫煙霧間  
峯巒百疊破螺甲宮室四面  
開螺山鏤身鉢骨成何事  
口腹之珍詎為崇郡曹受賞  
雖一言國史叔痴得非累筠  
籃一一千里來百金一笑  
叔羹材色新欲透瑪瑙盃  
味勝可浥葡萄醅飲客醉頰  
浮春紅金盤旋覺放箸空  
齒牙寒光漱明月胸臆秀氣  
噴長虹平生浪說江瑤柱  
大嚼從今不論數我懶安能

汗漫遊買船欲訪漁郎去

題捕魚圖

元 歐陽元

太湖三萬六千頃靈槎倒壓青天影  
大魚吹浪高如山  
小魚卷鬣為龍盤  
羣魚聯腴伐桴鼓  
勢同三軍戰強鹵  
長網大罟三百尺攔截中流若環堵  
吳王宮中宴未闌  
銀絲斫膾飛龍鸞  
太官八珍奉公子  
猩猩頰唇鯉魚尾  
洞庭木落天南秋  
黃蘆滿天飛白鷗  
江頭吹笛喚漁舟  
與君大醉岳陽樓

題程亞卿所藏劉進畫魚

明 李東陽

劉生亦是丹青豪，近來作畫無此曹。平明退直呼濁醪，  
半酣脫却宮錦袍。戲將秃筆作鱗介，已覺四壁生風濤。  
風濤洶湧向何處，岸濶江空起煙霧。東風一夜吹水渾，  
翠鬣紅鬚不知數。桃花柳絮時吐吞，輕絮亂行交繽紛。  
圓光倒射日成凸，滅影下沒天無痕。羣嬉若共衆芳狎，  
遠逝忽與洪波奔。千形萬態極幻化，倉卒逢之安可論。  
就中巨者稱赤鯁，卓犖頗似鯨與鯢。仰窺河漢若咫尺，

俯視江海如甕盆巖巒變風雨作走天吳驅海若流雲  
掣電同揮霍噴沫浮漚滿寥廓鋒鏑參差見齟齬劔戟  
崢嶸露頭角直遣飛騰動鬼神寧誇震撼傾山岳若非  
溟渤即洞庭不然豈得通幽靈幽靈汗漫入恍惚始信  
丹青有奇骨劉生劉生良已工誰其愛者司徒公華堂  
錦軸燦盈丈髣髴坐我龍門中龍門高高幾許葉公畫  
龍龍出走此物胡為在庭宇知公自是人中龍會向人  
間作霖雨玉如意金叵羅激高堂揚練波文王在沼民

共樂君子有酒吾當歌  
我生解詩不解畫  
潦倒不覺雙顏  
酡吁嗟乎吾將奈爾丹青何

五言律

白小

唐  
杜甫

白小羣分命天然  
二寸魚細微  
需水族風俗當園  
蔬入肆銀花亂傾  
箱雪片虛生成猶  
拾卵盡取義何如

洞庭魚

唐  
李商隱

洞庭魚可拾不假  
更垂罾鬧若雨前  
蟻多於秋後蠅豈



思鱗作鱗仍計腹為燈浩蕩天池路翔翔欲化鵬

荊州

宋蘇軾

江水深成窟潛魚大似犀赤鱗如琥珀老枕勝玻瓈上  
客舉雕俎佳人搖翠篋登庖兼作噐何以免屠割

江南憶

金吳激

吳淞潮水平月上小舟橫旋斫四腮膾未輸千里羹擣  
菴香不散照筋雪無聲幾見秋風起空憐鄉思生

余舊遊魏郡日有雙魚之饌今絕不可得問之

則河徙故也戲成一章

明 王世貞

十載叨遊魏 雙魚饌事寬  
鷹乃催霰舞 象筋壓霜寒  
滄海欲陵陸 黃河能釣竿  
思歸別有念 不借蒯緱彈

五言排律

賦得巨魚縱大壑

唐 錢起

巨魚縱大壑 遂性似乘時  
奮躍風生鬣 騰凌浪鼓鬚  
龍攄回地軸 鯢化想天池  
方快吞舟意 尤殊在藻嬉  
傾危嗟幕燕 隱晦諂泥龜  
喻士逢明主 才猷得所施

魚上水

唐王季則

北陸收寒盡東風解凍初  
冰消通淺渚氣變躍潛魚  
應節似知化揚鬚任所如  
浮沈非樂藻沿沂異傳書  
結網時空久臨川意有餘  
為龍將可望今日愧才虛

魚上水

唐紀元臯

春生寒氣滅稍動伏泉魚  
乍喜東風至來觀曲浦初  
近水朱驪見望日錦鱗舒  
漸覺流澌退還欣掉尾餘  
噉喁情自樂沿泳意寧踈  
倘得隨鯤化終看戾太虛

賦得巨魚縱大壑

唐姚康

水府乘閒望圓波息躍魚從來曝泥久今日脫淵初得  
志寧相忌無心任宛如龍門應可度鮫室豈常居掉尾  
方窮樂游鱗每自舒東流千里去風力藉吹噓

臨川羨魚

唐張元正

有客百愁侵求魚正在今廣川何渺漫高岸幾登臨風  
水寧相阻煙波豈憚深不應同逐鹿詎肯比從禽結網  
非無力忘筌自有心永存芳餌在佇立思沈沈

義魚招張功曹

唐韓愈

義魚春岸濶此興在中宵大炬然如晝長舩縛似橋深  
窺沙可數靜榜水無搖刃下那能脫波間或自跳中鱗  
憐錦碎當日訝珠銷迷火逃翻近驚人去暫遙競多心  
轉細得雋語時囂潭螿知存寡舩平覺獲饒交頭疑湊  
餌駢首類同條濡沫情雖密登門志已遼盈車欺故事  
飼犬驗今朝血浪凝猶沸腥風遠更飄蓋江煙幕幕拂  
棹影寥寥瀨去愁無食龍移懼見燒如崇名既誤釣渭

日徒消文客驚先賦篙工喜畫謠  
鱸成思我友觀樂憶  
吾僚自可捐憂累何須彊問鴉

賦得魚登龍門

唐元稹

魚貫終何益龍門在此登有成當作雨無用耻為鵬  
激浪誠難泝雄心亦自憑風雲潛會合鬚鬣忽騰凌  
泥滓辭河濁煙霄見海澄  
回瞻順流葦誰敢望同升

七言律

和魯望謝惠魚之什

唐皮日休

釣公來信自松江三尺春魚撥刺霜腹內舊鈎苔染澁  
腮中新餌藻和香冷鱗中斷榆錢破寒骨平分玉筋光  
何事貺君偏得所祇緣同是越航郎

觀魚軒

宋 韓琦

雨後方池碧漲秋觀魚亭檻俯臨流時看隱行駢頭戲  
忽見開萍作隊遊喜擲舟前翻亂錦靜潛波下起圓漚  
吾心大欲同斯樂肯插筠竿餌釣鈎

杜介送魚

宋 蘇軾

新年已賜黃封酒，舊友仍分潁尾魚。  
陋巷闔門負朝日，小園除雪得春蔬。  
病妻起斫銀絲鱸，稚子歡尋尺素書。  
醉眼朦朧覓歸路，松江煙雨晚踈踈。

鄭太玉送子魚

宋 唐 庚

便當樅閣太常齋，藥竈于旁手自煨。  
須信子魚藏妙理，坐令母蚌愧凡才。  
刀頭定向何時得，劔脊頻將好意來。  
老去少陵雖病肺，尚堪持此薦寒醅。

初食淮白魚

宋 楊 萬 里



淮白須將淮水煮江南水煮正相違霜吹柳葉都落盡  
魚喫雪花方解肥醉卧糟立名不惡下來鹽豉味全非  
饗人且莫供羊酪更買銀刀二尺圖

和張寺丞謝惠河豚

宋 劉 宰

先生盛德信光亨微物將誠愧晚生春岸正當餘雨過  
寒江尚想小舟橫一奩走送慙遲暮兩舍相望欠割烹  
未必甘芹解知味王公當諒野人情

佩之餽石首魚有詩次韻奉謝

明  
李東陽

夜網初收曉市開黃魚無數一時來風流不聞尊絲品  
軟爛偏宜豆乳堆碧盃分香憐冷列金鱗出浪想崔嵬  
高堂正憶東鄰送詩句情多不易裁

金魚

明  
朱之蕃

誰染銀鱗琥珀濃光搖鬚鬣映芙蓉清池躍處桃生浪  
綠藻分開金在鎔丙穴靈源隨地湧離宮正色自天鍾  
羣魚漫爾同游泳貯見飛空化赤龍

和比玉賦游魚啖花影

明程嘉燧

無數輕鱗蓮葉東  
冰芳吹沫競浮空  
疑追戲蝶來天上  
誤餌游絲沒鏡中  
點額冷光如吸露  
濯鱗香陣欲餐風  
相忘樂事江湖外  
捉影還看嚼蠟同

五言絕句

江行雜詩

唐錢起

灘淺爭遊鷺  
江清易見魚  
怪來吟未足  
秋物欠紅蕖

新亭

唐韓愈

湖上新亭好公來日出初水紋浮枕簟瓦影蔭龜魚

續古

唐  
陳陶

大堯登寶位麇鳳煥宸居海曲沾恩澤還生比目魚

放魚

唐  
李羣玉

早覓為龍去江湖莫漫遊須知香餌下觸口是鈎鈎

魚

宋  
蘇軾

湖上移魚子初生不畏人自從識鈎餌欲見更無因

淮南魚歌

元  
馬祖常

渡江問魚價人來索酒錢婦姑亦不惡便者縮項鰻

和楊鐵崖小臨海

明張簡

雨過積金頂芙蓉萬朵青神魚不飛去風伏翠濤腥

絕句

明殷奎

霜落水禽啼寒流繞大堤長魚不受釣躍過石梁西

西湖曲

明李東陽

艸碧明沙際花紅試雨初官船蕩素槳驚散一雙魚

偶成

明盧澐

江頭春水生江上春水長十日不出門魚苗大如掌

六言絕句

題娛暉亭

明  
唐時升

負郭家家水竹殘春處處煙  
花開尊欲招烏雀舉網頻  
得魚蝦

七言絕句

解悶

唐  
杜甫

復憶襄陽孟浩然清詩句句盡堪傳  
即今耆舊無新語

漫釣槎頭縮項鱖

垂花塢醉後戲題

唐  
獨狐及

紫蔓青條覆酒壺  
落花時與竹風俱  
歸時自負花前醉  
笑向脩魚問樂無

小魚詠寄涇州楊侍郎

唐  
盧綸

蓮花影裏暫相離  
纔出浮萍值苦師  
上得龍門還失浪  
九江何處是歸期

放魚

唐  
竇鞏

金錢贖得免刀痕見說禽魚亦感恩好去長江千萬里  
不須辛苦上龍門

盆池

唐  
韓愈

凡浴晨朝水自清小蟲無數不知名忽然分散無踪影  
惟有魚兒作隊行

觀遊魚

唐  
白居易

繞池閒步看魚遊正值兒童弄釣舟一種愛魚心各異  
我來施食爾垂鈎



池上寓興

白居易

濠梁莊惠漫相爭，未必人情知物情。  
懶捕魚來魚躍出，此非魚樂是魚驚。

南園

唐李賀

春水初生乳燕飛，黃蜂小尾撲花歸。  
窻含遠色通書幌，魚擁香鈎近石磯。

南塘

唐鮑溶

塘東白日駐紅霧，早魚翻光樂碧潯。  
畫船蘭棹欲破浪。

恐畏驚動蓮東心

鯉魚

唐  
章孝標

眼似珍珠鱗似金  
時時動浪出還沈  
河中得上龍門去  
不歎江湖歲月深

觀魚

唐  
陸希聲

惠施徒自學多方  
漫說觀魚理未長  
不得莊生濠上旨  
江湖何以見相忘

對鱸

唐  
項斯

行到鱸魚鄉裏時  
鱸盤如雪怕風吹  
猶憐醉後江南路  
馬上垂鞭學釣時

游魚

唐來鵬

弄萍偃行思夷猶掉尾揚鬚逐慢流  
應怕碧巖巖下水  
浮藤如線月如鉤

秋霽

唐崔道融

雨霽長空蕩滌清  
遠山初出未知名  
夜來江上如鉤月  
時有驚魚擲浪聲

魚

宋

歐陽修

秋水澄鮮見鬣毛  
錦鱗行處水紋搖  
岸邊人影還驚去  
時向綠荷深處跳

贈莘老

宋

蘇軾

三年京國厭藜蒿  
長羨淮魚壓楚糟  
今日駱駝橋下泊  
恣看修網出銀刀

惠崇春江晚景

蘇軾

竹外桃花三兩枝  
春江水暖鴨先知  
蒹蒿滿地蘆芽短

正是河魴欲上時

戲作魴魚一絕

蘇軾

粉紅石首仍無骨  
雪白河魴不藥人  
寄語天公與河伯  
何妨乞與水精鱗

題超化寺壁

宋晁冲之

曲池風定碧瀾平  
小白魚如鏡裏行  
水竹再來應識我  
壁間不用更題名

赴廣陵道中

宋晁補之

楊柳青青欲哺鳥  
一春風雨暗隋渠  
落帆未覺揚州遠  
已喜淮陰見白魚

早夏

宋 陳造

安石榴花猩血鮮  
涼荷高葉碧田田  
鮒魚入市河魴罷  
已破江南打麥天

延平道中

宋 樺

一谿春漲午晴初  
日透波光綠浸裾  
却憶孤山山下路  
石橋清澈看叉魚

梅雨

宋  
范成大

雨霽雲閒池面光  
三年魚苗如許長  
小荷拳拳可包鮓  
晚日照盤風露香

晚春田園雜興

范成大

海雨江風浪作堆  
時新魚菜逐春回  
荻芽抽笋河魴上  
棟子開花石首來

秋日田園雜興

范成大

細擣橙齏有鱠魚  
西風吹上四腮鱸  
雪髭酥膩千絲縷

除却松江到處無

自晨至午起居飲食皆以檣外人物之聲為節

戲書四絕 錄一

范成大

起傍東牕手把書  
華顛種種不經梳  
朝餐欲倒須巾裹  
已有重來晚市魚

憲下戲詠

宋陸游

三尺清池鏡面平  
剪刀葉底戲魚行  
吾曹安得如渠樂  
傍渚跳波過此生



曉坐荷橋

宋 楊萬里

簾影窺池到藕根  
水光為我弄朝暎  
魚兒解作晴天雨  
波面吹成落點痕

垂虹亭看打魚斫鱠

楊萬里

橋柱踈踈四寂然  
亭前突出小魚船  
一聲磔磔鳴榔起  
驚出銀刀躍玉泉

湖州歌

宋 汪元量

曉鬢鬪鬆懶不梳  
忽聽人說是南徐  
手中明鏡拋船上

半揭篷窓看打魚

其二

寶應城南柳數株  
葭牆艾席是民居  
眼前境逆無詩興  
忽有小舟來賣魚

寄俞秀老清老二居士

宋  
僧道潛

風谿雲嶽雪消初  
烏變春聲滿屋除  
安得故人同蠟屐  
石梁斜日看游魚

宮詞

宋  
花蕊夫人

厨盤進食簇時新  
侍宴無非列近臣  
日午殿頭宣索餽  
隔花催喚打魚人

其二

釣綫沈波漾彩舟  
魚爭芳餌上龍鈎  
內人急捧金盤接  
撥刺紅鱗躍未休

順安詞呈趙使君

金  
劉 著

太平時世屢豐年  
勝事長聞父老傳  
郭外桑麻知幾頃  
船頭魚蟹不論錢

日照道中

全  
党懷英

路轉清谿樹蔚然  
解鞍坐歇午陰圓  
避人鷗鳥驚飛盡  
時有游魚弄柳綿

首夏村居雜興

元  
袁易

綠樹荆扉晚更幽  
鱸魚菰菜近堪求  
故人有興能尋我  
但覓吳松欲盡頭

贈漁者

元  
郝經

一尺新魴綠柳穿  
漁人餽我不論錢  
斫開細骨銀膏瑩

旋折黃蘆熱晚煙

十一日浯畬登舟十絕

錄一

元程鉅夫

江清照見石粼粼  
貌得荇魚態度真  
說與長年輕蕩槳  
放他深處著潛鱗

洪州歌

元柳貫

萋萋鮮滑勝雞蘇  
滿尺河豚玉作膚  
漫說江鄉美庖傳  
幾曾風味似蓴鱸

夜過白馬湖

元薩都拉

春水滿湖蘆葦青  
鯉魚吹浪水風腥  
舟行未見初更月  
一點漁燈落遠汀

吳淞江上謾興

元

貢師泰

白月滿天江水平  
銀河垂地寂無聲  
披衣獨坐過夜半  
撥刺跳魚時一鳴

夢中作

元

洪希文

煙波蕩蕩寄閒身  
筐筥携歸色似銀  
莫笑江湖釣竿子  
擔頭挂得兩金鱗

題赤鯉圖

元李祁

風翻雷吼動乾坤赤鯉騰波勢獨尊  
無數閒鱗齊上下欲隨春浪過龍門

江邊竹枝詞

元王逢

社酒吹香新燕飛遊人裙幄占灣磯  
如刀江鱗白盈尺不獨河魴天下稀

師子林即景

元僧惟則

道人肩水灌畦蔬託鉢船歸粟有餘  
飽飯禪和無一事

繞池分食餒遊魚

望武昌

明  
楊基

春風吹雨濕衣裾  
綠水紅粧畫不如  
却是漢陽川上女  
過江來買武昌魚

汪口渡捕魚者

明  
汪廣洋

芳艸渡頭歌竹枝  
晴天小艇放鸕鷀  
比鄰為報春醪熟  
自起持魚貫柳絲

江上

汪廣洋



象牙灘上百花開  
參差時復見樓臺  
翠香芹菜綠沙出  
雪色鮒魚上水來

蘭谿棹歌

汪廣洋

野鳧晴蹋浪梯平  
越上人家住近城  
箬葉裹魚來換米  
松舟一箇似梭輕

東吳棹歌

汪廣洋

艇子搶風過太湖  
水雲行盡是東吳  
阿誰坐理青絲網  
遮得松江巨口鱸

八狹潭

明 鎰 崧

水上石山森劔鋌水中石屋是魚房  
秋來水落月未出魚眼射波如火光

畫魚

明 錢 宰

綠陂春水沒漁家楊柳青青拂釣槎  
三月江南春雨歇一雙鱸鮓上桃花

釣魚圖

明 莊 昶

谿上春雲與浪飛谿頭春水黃魚肥  
閒人只是閒無事

日出船來月出歸

寄友

明沈周

與君傾蓋二毛初別後無由數寄書  
江上逢人問消息  
紅粧隨馬射游魚

金山江天閣

明王叔承

鳥外漁歌斷水煙  
隔江喚過打魚船  
鱗魚出網鮮猶活  
笑擲船頭三百錢

曉過八坼

王叔承

殘星點點照船明  
猷石寒爐曙火生  
推枕坐看江市過  
夢中聽得賣魚聲

畫躍鯉送人

明徐渭

鱗鬣何殊點額歸  
丰神却覺有風威  
不添一片龍門石  
方便凡魚作隊飛

附蝦

七言古

海蝦圖

明王鏊

茫茫大海浮穹壤日月升沈鼇背上其間物怪何所無  
海馬天吳大如象有魚如屋蠱如帆蝦最細猶十丈  
鬚鬚怒氣須如戟力戰洪濤欲飛出江湖魚鱗總蜉蝣  
畜眼生平未曾識畫工何處寫汝真夢中曾到長須國  
黑風吹海浪如山魚龍變化須臾間從龍願作先驅去  
去上青天生羽翰

五言絕句

池上

宋  
韓維

樽酒浮多蟻舟篷覆似蝸折楊爭貫鯉編竹自撈蝦

附海蜃

七言律

海蜃

元  
謝宗可

層濤擁沫綴蝦行水母含秋孕地靈海氣凍凝紅玉脆  
天風寒結紫雲腥霞衣退色水涎滑瑤縷烹香酒力醒  
應是楚宮萍實老忽隨潮信落滄溟



御定佩文齋詠物詩選卷四百六十九

欽定四庫全書

集部

御定佩文齋詠物詩選卷四百

七十五  
七十八

詳校官侍郎 臣李 封

主事銜 臣徐以坤覆勘

總校官檢討 臣何思鈞

校對官中書 臣張曾炳

謄錄監生 臣徐如灝



欽定四庫全書

御定佩文齋詠物詩選卷四百七十

蟹類

五言古

子集弟寄江蟹

宋張九成

吾鄉十月間海錯賤如土尤思鹽白蟹滿殼紅初吐薦  
酒歛空尊侑飯饒如虎別來九年矣食物那可睹蠶煙  
瘴雨中滋味更荼苦池魚腥徹骨江魚骨無數每食輒

嘔噦無辭知罪罟新年庚運通此物登盤俎先以供祖  
先次以宴賓侶其餘及妻子咀嚼話江浦骨滓不敢擲  
念帶煙江雨手足義可量封寄無辭屢

七言古

謝陳壺天惠鱉

元  
龔  
璠

寒蒲縛來腸已無枯骨裹肉肉自腴為君喚醒江湖夢  
孤篷細雨聲相濡貧家不辨滿眼沽糟牀溷溷紅真珠  
起來為立西風裏一徑晴寒菊數株

中秋碧雲師送蟬

元張憲

天風吹綻黃金粟檐前老鬼飛寒玉客窓不記是中秋  
但覺鄰家酒漿熟泖田秋霽稻未鎌葦箔竹籬收團尖  
紅膏溢齒嫩乳滑脆美簇簇橙絲甜無腸公子誇矍鑠  
兩戟前驅終受縛厲心晝暖白玉臍夔牟夜泣紅銅殼  
麴生風度亦可憐且對霜娥供大嚼酒後高歌遶碧雲  
九峰一夜霜華落

上巳日吳野人烹蟬及吳化父兄弟宴集

明  
王叔承

前谿雨足谿水新夜漲桃花三尺春三月三日日初麗  
浮玉流觴驕醉人偶過楊柳橋西宅魚罾蟹斲當門立  
船頭活蟹紫堪擊重欲滿斤濶逾尺主人藏蟹真得宜  
急流之下青籠垂日飼稻子數百穗楓落直過桃花時  
蜀椒吳鹽落碁細寶刀香膩春蔥絲雄若白肪白於玉  
圓臍剖出黃金脂主人有蟹不賣錢但逢嘉客畱斟酌  
持螯豈慕尚方珍長對杜康呼郭索

五言律

江南憶

金吳激

平生把螯手遮日負垂竿  
浩渺渚田熟青熒漁火寒  
曾看霜菊艷不放酒杯乾  
比老垂涎處糟臍箇箇團

賦得解送人之官

明高啟

吐沫似珠流無腸豈識愁  
香宜橙實晚肥過稻花秋  
出斷來深浦隨燈聚遠洲  
郡齋初退食可怕有監州

七言律

酬襲美見寄海蟹

唐  
陸龜蒙

藥杯應阻蟹螯香，却乞江邊採捕郎。  
自是揚雄知郭索，且非何穎敢餓餽。  
骨清猶似含春靄，沫白還疑帶海霜。  
強作南朝風雅客，夜來偷醉早梅傍。

呈吳正仲遺活蟹

宋  
梅堯臣

年年收稻買江蟹，二月得從何處來。  
滿腹紅膏肥似髓，貯盤青殼大於盃。  
定知有口能噓沫，休信無心便畏雷。  
幸與陸機來往熟，每分吳味不嫌猜。

丁公默送蝻蚱

宋蘇軾

谿邊石蝻小如錢喜見輪囷赤玉盤  
半殼含黃宜點酒兩螯斫雪勸加餐  
蠶珍海錯聞名久怪雨腥風入坐寒  
堪笑吳興饒太守一詩換得兩尖團

鹽蝻數枚寄段攝中誼齋

明宋訥

無腸公子舊知名風味非糟亦自清  
稊信海霜肥郭索須勞野火照橫行  
兩螯白雪堆盤重一殼黃金上箸輕  
公退避寒應買酒獻芹毋笑野人誠

五言絕句

畫蠓

宋文同

蠓性最難圖生意在螯跪伊人得其妙郭索不能已

雨後雜興

明王叔承

野水平谿橋波翻蓼花亂斫竹編青籃門前開蠓斲

七言絕句

憶江南舊遊

唐羊士諤

曲水三春弄彩毫樟亭八月又觀濤金壘幾醉烏程酒



鷓鴣閒吟把蟹螯

釣侶

陸龜蒙

一艇輕擗看晚濤  
接羅拋下漉春醪  
相逢便倚蒹葭泊  
更唱菱歌擘蟹螯

詠蟹

唐皮日休

未游滄海早知名  
有骨還從肉上生  
莫道無心畏雷電  
海龍王處也橫行

仲秋書事

宋陸游

秋風社散日平西  
餘昨殘壺手自提  
賜食敢思烹細項  
家庖仍禁擘團臍

淮上

宋僧道潛

蘆梢向曉戰秋風  
浦口寒潮尚未通  
日出岸沙多細穴  
白蝦青蟹走無窮

銀州道中

金吳激

小渡霜螿賤於土  
重巖野菊大如錢  
此時最憶涪翁語  
無酒令人意缺然

題小景

元杜本

秋雲滿地夕陽微黃葉蕭蕭鴈正飛最是江南好天氣  
邨醪初熟蟹螯肥

畫蟹

明錢宰

江上尊鱸不用思秋風吹老綠荷衣何妨夜壓黃花酒  
笑擘霜螯紫蟹肥

題畫

明唐寅

雲滿梁園飛鳥稀煖煨楮拙閉柴扉地爐溫却松花酒

剛是谿頭拾蠚歸

御定佩文齋詠物詩選卷四百七十

欽定四庫全書

御定佩文齋詠物詩選卷四百七十一

龜類

四言古

龜贊

晉  
郭璞

天生神物十朋之龜或游於火或游於著雖云類殊象  
二一歸疊疊致用極數盡幾

五言古

詠龜詩

北齊  
趙儒宗

有靈堪託夢無心解自謀不能著下伏強從蓮上游負  
圖非所冀支牀空自畱倘蒙一曳尾當為屢回頭

五言律

龜

唐  
徐夔

行止竟何從深谿與古峰青荷巢瑞質綠水返靈蹤鑽  
骨神明應酬恩感激重仙翁求一卦何日脫龍鍾

五言排律

龜

唐  
李羣玉

靜養千年壽重泉自隱居不應隨跛鰲寧肯滯凡魚靈  
腹唯玄露芳巢必翠藻揚光輸蚌蛤弄月恨蟾蜍曳尾  
辭泥後支床得水初冠山期不小鑄印事寧虛有志酬  
毛寶無心畏豫且他時清洛汭會薦帝堯書

五言絕句

江行

唐  
錢起

晚來漁父喜罾重欲收遲恐有長江使金錢願贖龜

七言絕句

贈莎衣道士

唐施肩吾

莎地陰森古蓮葉游龜暗老青苔甲池邊道士誇眼明  
夜取蟪螟摘蚊睫

菡萏亭

宋蘇軾

日日移床趁下風清香不盡思何窮若為化作龜千歲  
巢向田田亂葉中

御定佩文齋詠物詩選卷四百七十一



欽定四庫全書

御定佩文齋詠物詩選卷四百七十二

車螯類

五言古

永叔請賦車螯

宋梅堯臣

素唇紫錦背漿味壓蚶菜海客穿海沙拾貯寒潮退王  
都有美醞此物實當對相去三千里貴力致以配翰林  
文章宗炙鮮尤所愛旋圻旋沽飲酒船如落埭殊非北

人宜肥羊噉臠塊

初食車螯

宋 歐陽修

累累盤中蛤來自海之涯坐客初未識食之先歎嗟五代昔乖隔九州如剖瓜東南限淮海渺不通夷華於時北州人飲食陋莫加雞豚為異味貴賤無等差自從聖人出天下為一家南產錯交廣西珍富邛巴水載每連舳陸輸動盈車谿潛細毛髮海怪雄鬚牙豈惟貴公侯里巷飽魚蝦此蛤今始生其來何晚耶螯蛾聞二名

車螯

車蛾一名久見南人誇璀璨殼如玉斑斕點生花含漿不肯吐得火遽已呀共食惟恐後爭先屢成譁但喜美無厭豈思來甚遐多慚海上翁辛苦斲泥沙

七言律

食車螯

宋楊萬里

珠宮新沐淨瓊沙石鼎初然淪井花紫殼旋開微滴酒  
玉膚莫熟要鳴牙橙拖金線成雙美薑擘糟丘總一家  
老子宿醒無解處半杯羹後半甌茶

七言絕句

釣侶

唐  
皮日休

趁眠無事避風濤，一斗霜鱗換濁醪。  
驚怪兒童呼不得，盡衝煙雨漉車螯。

御定佩文齋詠物詩選卷四百七十二

欽定四庫全書

御定佩文齋詠物詩選卷四百七十三

蚌蛤類

附蝸

螺

蚌

蛭

四言古

蚌贊

晉郭璞

萬物變蛻其理無方雀雉之化含珠懷璫與月虧盈協  
氣晦望

五言古

詠螺蚌

宋 謝惠連

輕羽不高翔自用絃網羅纖鱗惑芳餌故為釣所加螺蚌非有心沈迹在泥沙文無雕飾用味非鼎俎和

泰州王學士寄車螯蛤蜊

宋 梅堯臣

車螯與月蛤寄自海陵郡謂我抱餘醒江都多美醞老來飲不滿一醉已闕分甘鮮雖所嗜易飫亦莫問嬌女巧收殼燕脂合眉暈貧奩無金玉狼藉生恚忿妻孥喜食之婢妾困埽拊行當至京華耳目飽塵坌此味爽口

難書為厭者訓

圓蛤

宋唐庚

黃犢鳴水中相顧皆愕然探之無所得有蛙僅如錢持  
問傍舍翁云此號圓蛤夏潦漲溝渠喧呼自酬答卒然  
聞其聲謂當可專車既見一撫掌寸莛量有餘物生元  
氣中小大各異趨蛙質黃牛鳴詩此欲誰附我居固已  
陋爾鳴良亦邛綿蠻嘒黃鸝我今思故園

食蠖房

宋劉子暈

螭房生海孺堅頑宛如石其中儲可欲雖固必生隙嵌  
巖各包藏礧礧相附積中逢霹靂手妙若啟扃鏑鑽灼  
諒難堪曷不吐餘瀝南庖富腥盤豈惟此稱特吞航大  
絕倫梯齧萬夫食針鱗九牛毛小嚼逾千百光螺暈紫  
斑蟹膏湛金色水母脆鳴牙章舉懸疣密烏黏力排冓  
貼石不可索妾魚戲浮波媚鮪雌雄匹蟹蹂軌橫鶩鼈  
縮常畏出車螯不服箱馬蛟非駿迹江瑤貴一柱夫豈  
棟梁質骨柔競愛鱖多鯁鱗乃斥蚶紅鮭赤文肉黑魚



之賊鯨鯢鯉鰻鮪鮓鮒鮓鮓庸而鮓小瑣冗難盡  
述包涵知海量長養荷天德貪生族類繁失地波濤窄  
網單人創禍甘鮮已為厄紛然均可口流品當別白微  
物倘見知捐軀不足惜

七言古

附長短句

朱君以建昌霜橘見寄報以蛤蜊

宋  
孔平仲

贈我以海昏清霜之橘報君以淮南紫唇之蛤橘膚軟

羨中更甜蛤體堅頑口長合開花結子幸採摘沒水藏  
泥豈蘄得二物同時有不同賦形與性由天公請君下  
筯聊一飽莫索珠璣向此中

錢塘賦水母

宋沈與求

疾風吹雨回江城艚牙嘔啞潮欲平客居喜無人事櫻  
相與環坐臨前楹眼中水怪狀莫名出沒沙觜如浮罌  
復如緇笠絕兩纓混沌七竅俱未形塊然肯負羣蝦行  
嗟其巧以怪自呈凝目懼視相將迎老漁旁睨笑發聲

曰此水母官何驚江流如奔絕滄瀛潮汐往來月為程  
藏納衆污無滿盈浮埃沈滓溷九清結成此物宜昏盲  
使鰕導迷作雙睛乃能接迹蚌與蛭亦猶巨蛋二體并  
離則無目為光精江天八月霜葉鳴罟師得鰕供水征  
水母棄擲羅縱橫試令收拾輸庖丁絳礬收涎體紆縈  
飛刀縷切武火烹花甕釘餽粲白英不殊冰盤堆水晶  
稻醯齏寒芼香橙入齒已復能解醒遣漁止矣勿復評  
嗟哉此性愚不更定矜故態招三彭且摩枵腹甘藜羹

七言律

蛤蜊

宋 孔武仲

去年曾賦蛤蜊篇，旅館霜高月正圓。  
舊舍朋從今好在，新時節物故依然。  
棲身未厭泥沙穩，爽口還充鼎俎鮮。  
適意四方無不可，若思鱸膾未應賢。

周愚卿江西美劉棠仲同賦江珧詩牽強奉答

宋 周必大

東海沙田種蛤蜊，南烹苦酒濯瓊瑤。  
饌因暫棄常珍變，

指為將嘗異味，搖珠剖蚌胎。那畏鷓鴣柱，呈馬甲更名。玃累人口腹，吾何敢慚愧。三英喜且謠。

七言絕句

城外

唐李商隱

露寒風定不無情，臨水當山又隔城。未必明時勝蚌蛤，一生長共月虧盈。

酒病偶作

唐皮日休

鬱林步障晝遮明，一炷濃香養病醒。何事晚來還欲飲。

隔牆聞賣蛤蜊聲

謝張德恭送糟蚶

宋陳造

壓倒淤泥白蓮藕半指介甲露穠纖玉川水厄那知此  
急具薑葱喚阿添

島上曲

宋謝翱

皮帶黑鱗身卉衣晚隨鬼渡水燈微石門犬吠聞人語  
知在海南種蛤歸

嶺南雜詠

明汪廣洋

鴈翅城東湧怒濤外洋水長蜚船高莫嫌昨夜南風急  
今日登盤有海蠔

蕭臯別業竹枝詞

明沈明臣

麥葉蝗肥客可餐  
棟花鱈熟子盈盤  
家家鍛磨聲初發  
四月江邨有薄寒

御定佩文齋詠物詩選卷四百七十三



欽定四庫全書

御定佩文齋詠物詩選卷四百七十四

蛙類

五言古

南池宴餞辛子賦得科斗子

唐岑參

臨池見科斗，羨爾樂有餘。  
不憂網與釣，幸得免為魚。  
且願充文字，登君尺素書。

七五言

蛙聲

明徐渭

紅芳綠漲綠連天，夾岸蘼蕪匝澗灣。  
別有鼓吹喧渡口，不教蚯蚓疊陽關。  
殷郎咄咄書空易，漢吏期期奉詔難。  
華苑公私猜典午，蕪門佶屈課殷盤。  
連營甲卒枚前闕，寒寺沙門呪後餐。  
蟾蜍借月瘖何謂，科斗縈波字與翻。  
蒲漶溲蒸號太酷，梅風飄蕩控宜寒。  
使車南詣雕題譯，貝葉西來鳩舌彈。  
金响俠徒九儘落，珮垂戰士怒彌殷。  
諧語就答方乞半，孤雛隔乳未啼殘。  
韓馮枕荷愁喧寐。

戴勝降桑許聒眠利口嗇來僂喋喋薄言鉦罷鼓闐闐  
咽競笳烏不得曉雜沸蓮露幾時圓迢迢來度天姬帳  
閣閣迴驚釣者船搖繁藻鏡驅成漱韻碎菱絲詎可穿  
寄語草深瓜爛處急呼即且備蚊憐

七言律

題白渡方氏聽蛙亭

宋 劉克莊

塘水拍隄科斗生想君亭子俯幽清黃梅雨足野田潤  
牡麴煙收邨墅晴莫信人嫌無理鬧頗疑渠有不平鳴

畫堂方喜聽琴阮誰愛天然律呂聲

蛙鼓

明  
朱之蕃

徑滿蓬蒿沼滿蘋  
蛙相怒復相親  
中宵磔格連清曉  
過雨喧闐送晚春  
獨聽鏡歌矜戰勝  
共徵散部樂延賓  
郊垞寂靜偏憐汝  
伴我書齋不厭貧

蛙

明  
張維

熟梅天氣雨初收  
何處蛙聲隔水樓  
鼓吹翻嫌驚好夢  
公私誰為亂閒愁  
薰風候已違花信  
碧草涼應動麥秋

赤鯉聞雷爭變化爾能燒尾躍雲不

五言絕句

戲詠蛙

唐

楊収

兔邊分玉樹龍底耀銅儀會當同鼓吹不復問官私

雜詩

宋

梅堯臣

蛙行動萍葉悞觀作遊魚稍稍引兩股已變科斗書

六言絕句

積雨作寒

宋

范成大

已報舟浮登岸更憐橋踏平池養成蛙吹無謂掃盡蚊  
雷却奇

七言絕句

盆池

唐  
韓愈

老翁真箇似童兒汲井埋盆作小池一夜青蛙鳴到曉  
恰如方口釣魚時

硤石西泉

韓愈

居然鱗介不能容石眼環環水一鍾聞說旱時求得雨

祇疑科斗是蛟龍

禽蟲

唐  
白居易

水中科斗長成蛙  
林下桑蟲老作蛾  
蛙跳蛾舞仰頭笑  
馬用鯤鵬鱗羽多

春晚

宋  
徐璣

午風庭院綠成衣  
春色方濃又欲歸  
科斗散邊荷葉出  
醪醱香裏柳綿飛

農謠

宋  
方岳

欽定四庫全書

山陰縣文廟詩集  
卷四百七十四

四

漠漠餘香著草花  
森森柔綠長桑麻  
池塘水滿蛙成市  
門巷春深燕作家

夏雨

金祝簡

電掣雷轟雨覆盆  
晚來枕簟頗宜人  
小溝一夜深三尺  
便有蛙聲喧四鄰

寓望

金趙秉文

蒲根閣閣亂蛙鳴  
點水楊花半白青  
隔岸風來聞鼓吹  
柳陰深處有園亭



二月十五雨作

元倪瓚

風軒紅杏散餘霞  
堤艸青青桃欲花  
寒食清明看又近  
滿川煙雨亂鳴蛙

張園雜賦

元錢惟善

清夜無眠壘鼓催  
竹梢垂露點蒼苔  
滿池月色如霜白  
一片蛙聲似雨來

師子林即景

元僧惟則

素壁光搖眼倍明  
隔簾風樹弄新晴  
樹根蛙鼓鳴殘雨

欽定四庫全書

御定佩文齋詩物詠選  
卷四百七十四

恍惚南山水落聲

漫興

明  
李東陽

井口轆轤聞水聲  
園中菜畦渾欲平  
呼童引水放教去  
一夜池頭蛙亂鳴

御定佩文齋詠物詩選卷四百七十四

欽定四庫全書

御定佩文齋詠物詩選卷四百七十五

總蟲類

五言古

觀居寧畫草蟲

宋梅堯臣

古人畫虎鵠尚類狗與鴛今看畫羽蟲形意兩俱足行  
者勢若去飛者翻若逐拒者如舉臂鳴者如動腹躍者  
趨其股顧者注其目乃知造物靈未抵毫端速毘陵多

畫工圖寫空盈軸寧公實神授坐使羣輩服草根有纖  
意醉墨得已熟權豪不可致節行今仍獨

七言古

附長短句

賦得寒蛩

唐耿 漳

爾誰造鳴何早趯趯連聲徧階草復與夜雨和遊人聽  
堪老

蠅虎

宋 陳師道

物微趣下世不數隨力捕生得稱虎匿形注目搖兩股

卒然一擊勢莫禦十中失一八九取吻間流血腹如鼓  
却行奮辟吾甚武明日淮南作端午

五言排律

擬縣補以蟲鳴秋詩

宋朱子

天籟誰為主乘時各自鳴如分百蟲響來助九秋清未  
歇吟風調先催泣露聲乾坤闢氛氣草木斂華英易斷  
愁人夢難安嬾婦驚唯應廣成子萬感不關情

七言律

題水墨蓼花草蟲

明 劉基

為愛江頭紅蓼花秋來獨作草蟲家  
尋香粉蝶應隨夢采蜜黃蜂不趁衙  
絡緯語殘涼露滴蜻蜓立困晚風斜  
畫圖水墨驚初見却似扁舟過赤沙

五言絕句

絕句

唐 崔國輔

樓前桃李疎池上芙蓉落織錦猶未成  
蛩聲入羅幕

江行

唐 錢起

蛩響依沙草螢飛透水煙夜涼誰詠史空泊運租船

禁中聞蛩

唐白居易

悄悄禁門閉夜深無月明西窗獨閣坐滿耳新蛩聲

獨夜

元趙孟頫

秋風動林葉夜雨滴池荷孤客睡不著亂蛩鳴更多

六言絕句

草蟲

明魯鐸

淑氣濃薰芳草晴絲不礙飛蟲春色都堪描畫無人畫

得東風

七言絕句

夜月

唐  
劉方平

更深月色半人家  
北斗闌干南斗斜  
今夜偏知春氣暖  
蟲聲新透綠窗紗

聞蛩

唐  
白居易

聞蛩唧唧夜綿綿  
况是秋陰欲雨天  
猶恐愁人暫得睡  
聲聲移近卧牀前



興州江館

唐鄭谷

向蜀還秦計未成，寒蛩一夜繞牀鳴。  
愁眠不穩孤燈寂，坐聽嘉陵江水聲。

雨晴

唐王駕

雨前初見花間蕊，雨後兼無葉裏花。  
蜂蝶飛來過牆去，却疑春色在鄰家。

蛩

唐李中

月冷莎庭夜已深，百蟲聲外有清音。  
詩情正苦無眠處

媿爾階前相伴吟

聞蛩

宋張耒

二年江海轉萍蓬  
白髮蒼顏換舊容  
新月窺簾風動竹  
宣城今夜又聞蛩

秋日

宋秦觀

月團新碾瀾花甕  
飲罷呼兒課楚辭  
風定小軒無落葉  
青蟲相對吐秋絲

暮春

宋范浚

老去長閒百不營  
推書習靜更真清  
西窗日脚籬篩動  
時有飛蟲撲紙聲

春日閒吟

宋  
范成大

東風入簾圖畫響  
斜照穿隙網絲明  
簷間雙雀有時鬪  
窗下一蟲終日鳴

秋日田園雜興

范成大

杞菊垂珠滴露紅  
兩蛭相應語莎叢  
蟲絲罨畫黃葵葉  
寂歷高花側晚風

其二

靜看簷蛛結網低無端妨礙小蟲飛  
蜻蜓倒挂蜂兒窘  
催喚山童為解圍

蛩聲

宋楊萬里

誠齋老子一歸休最感蛩聲五報秋  
細聽蛩聲元自樂  
人愁却道是他愁

臘裏立春蜂蝶輩出

楊萬里

嫩日催青出凍荻小風吹白落疎梅  
殘冬未放春交割

早有黄蜂紫蝶来

宿官塔下院

金馮延登

喬松脩竹翠交陰  
涼月玲瓏布地金  
老去無詩酬節物  
夜涼閒聽候蟲吟

露坐

元張翥

官街人靜鼓鼕鼕  
獨坐中庭滿扇風  
墜地一絲和露濕  
青蟲懸在月明中

夜坐口占

元顧瑛

虛庭月色不勝寒  
况坐綠波亭上看  
啼斷候蛩秋寂寂  
好懷正在倚闌干

漁邨

明王璉

汀葦蒼蒼白露凝  
一灘寒月未收罾  
西風吹醒江南夢  
四壁蛩聲半夜燈

踏青

明王寵

茶磨山前水似苔  
紅粧隊隊踏青回  
衣香花氣熏人醉  
蛺蝶蜂兒撲面來

秋日雜興

明 何景明

紫蔓青藤各一叢  
野人籬落管西風  
郊扉遠絕誰能到  
秋日蟲鳴豆葉中

遣興

明 僧明秀

白雲流水度虛屏  
小坐池邊眼自醒  
春事不知渾入夏  
青蟲無力墮槐庭

秋夜

明 孟淑卿

豆花雨過晚生涼  
林館孤眠怯夜長  
自是愁多不成寐

非緣金井有啼螿

御定佩文齋詠物詩選卷四百七十五



欽定四庫全書

御定佩文齋詠物詩選卷四百七十六

蠶類

五言古

野蠶

唐于漬

野蠶食青桑吐絲亦成繭無功及生人何異偷飽煖我  
願均爾絲化為寒者衣

題耕織圖

元趙孟頫

四月夏氣清蠶大已屬眠高首何昂昂蛾眉復娟娟不  
憂桑葉少遍野如綠煙相呼攜筐去迢遞立遠阡梯空  
伐條枚葉上露未乾蠶飢當蚤歸秉心靜以專飭躬脩  
婦事黽勉當盛年救忙多女伴笑語方喧然

其二

忽忽歲將盡人事可稍休寒風吹桑林日夕聲颼颼牆  
南地不凍墾掘為坑溝斫桑埋其中明年芽早抽是月  
浴蠶種自古相傳流蠶出易脫殼絲纈亦倍收及時不

努力知有來歲不手凍不足惜冀免號寒憂

七言古

附長短句

簇蠶詞

唐王建

蠶欲老箔頭作繭絲皓皓場寬地高風日多不向中庭  
照蒿草神蠶急作莫悠悠揚年來為爾祭神桑但得青天  
不下雨上無蒼蠅下無鼠新婦拜簇願蠶稠女灑桃漿  
男打鼓三日開箔雪團團先將新繭送縣官已聞鄉里  
催織作去與誰人身上著

田家詞

宋 蘇舜欽

南風霏霏麥花落  
豆田漠漠初垂角  
山邊夜半一犁雨  
田父高歌待收穫  
雨多蕭蕭蠶簇寒  
蠶婦低眉憂繭單  
人生多求復多怨  
天公供爾良獨難

田家謠

宋 陳造

麥上場蠶出筐  
此時祇有田家忙  
半月天晴一夜雨  
前日麥地皆青秧  
陰晴隨意古難得  
婦後夫先各努力  
倏涼驟煖蠶易蛾  
大婦絡絲中婦織  
中婦輟閒事鉛華不

比大婦能憂家飯熟何曾趁時喫辛苦僅得蠶事畢小  
婦初嫁當少寬令伴阿姑頑過日明年願得如今年剩  
貯二麥饒絲綿小婦莫辭擔上肩却放大婦當姑前

照田蠶行

宋

范成大

鄉邨臘月二十五長竿燃炬照南畝近似雲開森列星  
遠如風起飄流螢今春雨雹繭絲少秋日雷鳴稻堆小  
儂家今夜火最明的知新歲田蠶好夜闌風燄西復東  
此占最吉餘難同不惟桑賤麥芄芄仍更苧麻無節菜

無蟲

秋蠶

金  
元好問

室人筐中無寸縷一箔秋蠶課諸女朝來飼却上馬桑  
隔簾仍聞竹間雨阿容阿璋墨滿面畫徹灰城前致語  
上無蒼蠅下無鼠作繭直須如甕許東家追胥守機杼  
有桑有稅吾猶汝官家却少一絢絲未到打門先自舉

養蠶詞

明  
高啟

東家西家罷來往晴日深窗風雨響二眠蠶起食葉多

陌頭桑樹空枝柯  
新婦守箔女執筐  
頭髮不梳一月忙  
三姑祭後今年好  
滿簇如雲繭成早  
簷前綠車急作絲  
又是夏稅相催時

五言絕句

春日曲

宋  
徐照

中婦掃蠶蟻挈籃  
桑葉間小姑摘新  
茶日斜下前山

七言絕句

雨過山邨

唐  
王建

雨裏雞鳴一兩家竹谿邨路板橋斜  
婦姑相喚浴蠶去  
閒著庭前梔子花

春日錢塘雜興

唐  
施肩吾

酒姥谿頭桑嫋嫋錢塘郭外柳毵毵  
路逢鄰婦遙相問  
小小如今學養蠶

姬人養蠶

唐  
韋莊

昔年愛笑蠶家婦今日辛勤自養蠶  
仍道不愁羅與綺  
女郎初解織桑籃



蠶婦

唐  
杜荀鶴

粉色全無飢色加  
豈知人世有榮華  
年年道我蠶辛苦  
底事渾身著苧麻

春日田園雜興

宋  
范成大

柳花深巷午雞聲  
桑葉尖新綠未成  
坐睡覺來無一事  
滿窗晴日看蠶生

晚春田園雜興

范成大

三旬蠶忌閉門中  
鄰曲都無來往蹤  
猶是曉晴風露下

采桑時節暫相逢

夏日田園雜興

范成大

百沸繅湯雪湧波  
繅車嘈噴雨鳴  
蓑桑姑盆手交相賀  
綿繭無多線繭多

春晚即事

宋 陸游

桑麻夾道蔽行人  
桃李隨風旋作塵  
煜煜紅燈迎婦擔  
鼔鼔畫鼓祭蠶神

夏日

陸游

暑雨初晴晝漏遲  
江鄉樂事有誰知  
邛邛壠麥登場後  
戶戶吳蠶拆簇時

農謠

宋

方岳

雨過一邛桑柘煙  
林梢日暮鳥聲妍  
青裊老姥遙相語  
今歲春寒蠶未眠

春郊

金

劉瞻

桑芽粒粒破春晴  
小葉迎風未展成  
寒食歸寧紅袖女  
外家紙上看蠶生

蠶

元 郝經

作繭纔成便棄捐  
可憐辛苦為誰寒  
不如蛛腹長絲滿  
連結朱簷與畫闌

即事

元 許有壬

遠浦客帆明冉冉  
前邨牧笛響嗚嗚  
園桑葉盡蠶成繭  
庭樹陰濃燕引雛

春詞

元 胡天游

日射珠簾試曉晴  
隙光斜上寶釵明  
碧紗窗下無消息

閒數吳蠶幾箇生

邨中書事

元馬臻

餉留兒女自喧呼  
指點春禽又引雛  
邨婦相逢還笑問  
把蠶今歲是三姑

春蠶

明劉基

可笑春蠶獨苦辛  
為誰成繭却焚身  
不如無用蜘蛛網  
網盡飛蟲不畏人

茶陵竹枝歌

明李東陽

春盡田家郎未歸  
小池涼雨試絺衣  
園桑綠罷蠶初熟  
野麥青時雉始飛

蕭臯別業竹枝歌

明 沈明臣

東邨西邨姑惡啼  
家家麥熟黃雲齊  
春蠶作繭桑園綠  
睡起日斜聞竹雞

春蠶詞

明 朱靜菴

桃花落盡日初長  
陌上雨晴桑葉黃  
拜罷三姑祭蠶室  
漸籠溫火煖蠶房



御定佩文齋詠物詩選卷四百七十六